

MLADI PODGORIČANIN

## Glumac Lazar Dragojević: Sarajevo sam zavolio zbog dobre raje

 S.H.P.  
2.7.2020. u 22:07
57  
komentara394  
dijeljenja

Zemaljski muzej BiH

Lazar Dragojević



Lazar Dragojević (Foto: T. S./Klix.ba)

**U predstavi "Osramočeni" režisera Dine Mustafića glumi i mladi crnogorski glumac Lazar Dragojević. Ovaj pozorišni komad bit će premijerno prikazan 6. jula u botaničkoj bašti Zemaljskog muzeja BiH. Tim povodom razgovarali smo s Lazarom koji je, osim toga, rado govorio o svojoj karijeri, talentima i životu u Sarajevu.**

Priča govori o Amiru Kapooru, pakistansko-američkom advokatu koji ima uspjeha u korporacijama, ali se odmiče od svojih kulturnih korijena i skriva identitet da bi uspio u američkom društvu. Ayad Akhtar koji je napisao ovu dramu nagrađen je pulitzerovom nagradom.

"Lik kojeg igram zove se Husein. S navršenih osam godina on seli s roditeljima iz Pakistana u Ameriku i želi živjeti i ostvariti taj čuveni 'american dream'. Budući da želi biti prihvaćen u demokratsko i liberalno društvo, mijenja ime u Abe", kazao nam je na početku razgovora nešto više o svojoj ulozi u predstavi Lazar Dragojević.



Foto: T. S./Klix.ba

Ova priča postavlja pitanja o vjerskim i rasnim sukobima, a likovi u komadu dotiču se tema koje većina izbjegava komunicirati, a neznanje i ksenofobija su itekako prisutni u svijetu, posebno na zapadu.

"Nažalost, svjedoci smo nepravdi koje se vrše nad ljudima koji su manjine. Naš zadatak kao umjetnika jeste progovoriti o tome, podstaci gledaoce na razmišljanje, podučiti ih, a ne samo zabaviti predstavom", kazao je.

### Najperspektivniji mladi glumac

Lazar je jedan od najperspektivnijih mladih glumaca, pa iako je još uvijek student, snimio je pet igranih filmova. Iako mu je svaki film donio novo iskustvo i novo znanje, ipak mu je najdraži ostao njegov prvi film "Take me somewhere nice" u kojem je odigrao glavnu ulogu.

Film je osvojio mnoge nagrade na velikim festivalima, pa i Srce Sarajeva za najbolji igrani film na Sarajevo Film Festivalu 2019. godine.

"Sam film tematizira pitanje identiteta, pripadnosti i otudenosti, kao i migracije kroz priču djevojke Alme koja je odrasla u Holandiji, a u BiH se vraća da posjeti oca kojeg nikada nije vidjela. Lik kojeg sam tumačio zove se Denis, plavooki i šarmantni mladić koji živi u Sarajevu. Što se same uloge tiče, vodim se riječima ruskog reditelja Sergeja Obrascova koji kaže: 'Svaka uloga se sastoji iz dva dijela: iz stvaranja lika i iz života u tom liku. Prvi dio iskazuje ogromnu umjetničku maštu. Nemoguće je živjeti u liku, a da ne zamislimo čovjeka kojeg igramo do svih tančina njegove psihe, ponašanja i izgleda. Što konkretnije taj lik izranja u glumačkoj uobrazilji, lakše je i prirodnije živjeti u njemu'. S obzirom na to da je to moja prva velika uloga, mogu reći da sam tih nekoliko mjeseci zaista živio život nekog drugog, a opet, sebe ni u jednom trenutku nisam izgubio", rekao je Lazar.



Foto: T. S./Klix.ba

Dodao je i kako je ponosan što je mlada generacija studenata Akademije scenskih umjetnosti u Sarajevu sve više angažovana u filmovima, serijama i predstavama.

"Uvjeren sam da već ostavljam jedan ozbiljan lični pečat i da ćemo kao generacija praviti nešto što će se pamtili. Rad na projektima koji su se dešavali uporedo sa studijem, meni je davao samo jak vjetar u leđa, dovoljno jak da me gura u daljine, a opet ne toliko jak da me oduva ili još gore da me ubaci u vrtlog. Akademija me naučila strogoj disciplini kada je riječ o ovom poslu", rekao je.

### Ljubav prema glumi naslijedio od roditelja

Priča nam kako glumi pristupa studiozno s mnogo strpljenja i ljubavi te da su u ovoj profesiji veoma bitni faktori sreća i vještina.

"Odrastao sam u glumačkoj porodici i u pozorište idem od svoje druge godine. Od malena sam znao da je moj poziv gluma i nikada od nje nisam odustao. Dva najveća uzora su moj otac i moja majka, kao glumci i kao ljudi", govori nam Lazar.

Lazarova druga ljubav je muzika. Završio je srednju muzičku školu kao trombonista, a svira još klavir, gitaru, bubnjeve, kahan i ukulele.

"Ovih dana učim novi instrument oud. To je instrument s kojim sam se duhovno povezoao. Sviram ga po nekoliko sati dnevno u svojoj sobi i to mi predstavlja psihički odmor. Imat ću priliku da ga sviram u predstavi koju sada radim, što me posebno raduje. Pored muzike, bavio sam se i raznim sportovima, od brazilске jiu-jitse, kapuere, pa sve do penjanja i jahanja", kazao je Lazar.



Foto: T. S./Klix.ba

Ono što je interesantno jeste da je Lazar, koji je rođen u Podgorici, prije četiri godine upisao Akademiju scenskih umjetnosti u Sarajevu, a naš grad zavolio je zbog, kako kaže, "dobre raje".

"Uvjero sam se u to da je Sarajevo zaista grad koji ima dušu i koji ljude dobrog srca prihvata sa svim manama i vrlinama. Sarajevo mi pruža šansu da sebe pokažem u najboljem svjetlu, ovdje sam stekao prijateljstva i mnoga poznanstva. Ovdje se razvijam i kao čovjek i kao glumac", kazao je.

Na kraju razgovora rekao nam je da je u aprilu trebao početi snimati novi film Srdana Vuletića, no da je pandemija koronavirusa poremetila planove.

"Vjerujem da će snimanje biti uskoro. Prvog septembra predstava "Ivanov" u kojoj igram, predstava Crnogorskog narodnog pozorišta, otvara jubilarni 60. MESS. Imat ću priliku da sa svojim pozorištem zaigram pred svojom publikom", zaključio je Dragojević.

[Najnovije](#)
[Najčitanije](#)
[Preporuke](#)

#### REŽIJA RIDLEYJA SCOTTA

Oskarovac Joaquin Phoenix će glumiti Napoleona Bonaparteu u filmu "Kitbag"

5h 28m

37
 15

#### FEBRUARSKO IZDANJE

Osim britanskog Voguea, Dua Lipa krasi i naslovnu magazina Rolling Stone

6h 23m

34
 87

#### U SAD-U

Prvo izdanje stripa o Batmanu iz 1940. prodano na aukciji za 2,2 miliona dolara

7h 30m

9
 8

#### MEMORIJALNA SCENA 2532

U Mostarskom teatru mladih večeras repriza "Hiljadarke"

8h 8m

15
 1

#### VRIJEDNOST VALUTE PORASLA

Britanac greškom bacio tvrdi disk sa bitcoinom, nudi 70 miliona dolara da iskopa deponiju

8h 46m

290
 73

#### Forum

Klub filma	699
Sta trenutno slusate IV	63K
Dokumentarni filmovi - Preporuke?!	1K
Gledali ste film, preporučite ga drugima	52K
Spotify	5
Marvel Cinematic Universe	1K
zarazio sam se	236